

無依成得受生五願天下太平五穀豐登六願臣忠子孝君仁父慈七願四海通同免親和釋八願潛胎處卵咸得生成九願積疾新病旋即痊愈十願孤露衆生豐衣足食

復爐

香官使者左右龍虎君侍香諸靈官官今日朝元之所自然生金液丹碧芝英百靈衆真交會在此香火洞案爐前今日學道得道求仙得仙齋主獲福幽顯沾恩十方仙童玉女侍衛蘭煙傳臣向來所啓速達徑御
太上元極大道至真玉皇上帝御前

出戶

太上黃錄齋儀卷之三十六

太上黃錄齋儀卷之三十七

唐廣成先生杜光庭集

五三

還拔清旦行道

入戶

各禮師存念如法

衛靈

青陽虛映

曜日回靈

神虎辟邪

飛天流鈴

摧奸滅試

萬魔束形

九微回道

八威攝精

千真拔錄

三元蕩滯

左嘯中黃

右策六丁

七轉八合

周旋天經

聖化巍巍

三道順行

慶雲流布

合景黃庭

鳴法鼓二十四通

元上玄元太上道君召出臣身中三五功曹左右官使者侍香金童傳言散花玉女五帝直符直日香官各三十二人出出者嚴裝關啓玄壇天帝神君當召此間土地里域真官正神以今奉為入意修禱道謝過祈恩願得玉清道無靈寶妙光下降流入臣等身中即使紫清鬱勃玉關開明五帝輔根萬神攝

具體圓珠映乘景臨宸金光煥赫御忝上清今日所啓速達徑御

太上元極大道無形無名虛元自然金闕玉陛下

各稱法位

具位臣某與臨壇官衆等謹同誠上啓
虛元自然元始天尊元極大道太上大道君太上老君元上玄老十方尋聲救苦天尊已得道大聖衆至真諸君大人三十六天帝君玉虛上帝玉帝大帝東華南極西靈北真玄都玉京金闕七寶玄臺紫微上官靈寶至真明皇道君三十六部尊經玄中大法師三界官屬一切真靈臣等伏聞大道垂文元尊演教濟生度死佐國安人普及幽明同躋履祐日以夙承玄訓獲被職司宜廣慈風以拯羣品況奉詞旨敢不上聞

讀詞

按如詞言理宜開濟以弟子某誠深修奉志切懺陳願開肆赦之期以拔幽牢之苦故贈法信騰款諸天油燭香花質心三界冀因精

感上達真靈以今清旦行道請法衆等運茲
初捨上香

願此香煙騰空徑上供養

无上至真道寶_臣等歸身歸命首體投地仰
依

太上三尊願以是功德歸流社稷尊靈宗桃

先聖融神太漠蔭芝蓋以端居觀妙上清躡

蓮臺而縱步延祥鳳曆流福鴻圖

皇帝澤廣滄溟壽均衡霍走梯航於萬宇而

慈惠於羣生良輔正臣共匡景運文功武德

勞布靈區父母師資林棲谷隱紀功瓊簡證

品仙階今故燒香歸依

師尊大聖衆至真之德得道之後昇入无形

和與道合真

以今清旦行道請法衆等運茲二捨上香

願此香煙騰空徑上供養

无上至真經寶_臣等歸身歸命首體投地仰

依

太上三尊願以是功德歸流齋主某家九祖

七女及亡靈神識解幽纏於地簡息罪咎於

陰官釋考對於三塗和寃仇於六趣超離地

獄昇入福堂聽法聞經參真證道九幽長夜

成觀光明齋動飛沉咸均巨福今故燒香歸

依

師尊大聖衆至真之德得道之後昇入无形

和與道合真

以今清旦行道請法衆等運茲三捨上香

願此香煙騰空徑上供養

无上至真師寶_臣等歸身歸命首體投地仰

依

太上三尊願以是功德歸流齋主某家永息

災凶長臻福壽禎祥九萃眷屬攸宜普及羣

生同登壽域今故燒香歸依

師尊大聖衆至真之德得道之後昇入无形

和與道合真

禮方

懺悔

各思九色圓象咽液命魔密呪

步虛旋遶

太極分高厚 輕清上屬天 人能修至道

身乃作真仙 行溢三千數 時丁四萬年

丹臺開寶笈 金口為流傳

大梵三天主 虛皇五老尊

豈復入名言 寶座臨金殿

萬真朝帝所 飛馬躡雲根

濛濛如細霧 冉冉曳銖衣

輕隨綵鳳飛 幾陪瑤室宴

佇立扶桑岸 高奔日帝暉

三禮

等至心稽首禮

太上无極大道

等至心稽首禮

三十六部尊經

等至心稽首禮

玄中大法師

重稱法位

具位_臣某等謹重誠上啓

太上无極大道元始天尊太上大道君太上

老君十方无極大道道德衆聖天尊至真太

帝天帝天師君上相上宰四司五帝三十六

部尊經玄中大法師三界官屬一切尊靈臣等獲履法門各修秘妙琅函寶笈真訣靈科得以遵行敷弘神化伏尋玄旨依按經圖行教立功救物為本所以玉晨大聖元始天尊垂萬行之津梁開八門之極度重泉遊魄幽夜窮魂霑惠露以清涼燭慈光而超濟動逾億劫咸保安全齋主其憂切亡魂志希遷拔恐其累生之後及無始以來六欲十纏恣行罪咎六情三業累劫過尤不悟正真罔知禁忌乘非履惡日積月深犯天地神明觸陰陽曹府名書地簡魂閉幽牢不覩光明無由濟拔是以束身歸命懺謝愆戾列壇場遵依科式紋繒法信油燭香花質懇致心仰期通感伏惟至真高聖十極尊靈開罔極之恩降大慈之澤勅下十方世界飛天神人依三籙簡文告下九龍符命於太山鄆都三十六獄及五嶽地司開赦魂神解銷惡對出重冥之域入福善之庭陶以太和沐以靈澤洗滌罪惡灌鍊形魂浴丹霍之宮經洞陽之府去離憂惱觀聽法音克證道階利安見在舉家享

福眷屬康寧徧及幽明旁周動植同懽妙樂咸契無為聖力所覃普天全濟上明天尊大慈之澤下副臣等懺謝之誠謹啟以聞

發念

- 一 念為道四大合德齋主七世父母免墮憂苦上升天堂衣食自然
- 二 念帝王國主道化興隆庠序濟濟皇教恢弘威儀翼翼普天所瞻民稱太平四夷賓伏妖惡自滅聖賢自生
- 三 念法師功德大建教化明達俱獲飛仙
- 四 念同志學人早得仙道更相開度
- 五 念九親和睦好尚仁義貴道賤財行為物範
- 六 念損已布施道士及飢寒者天下人民各得其所
- 七 念矯動政行一切衆生成蒙成就
- 八 念救貸前生今世罪對立功補過
- 九 念家門隆盛宗廟有人世生賢才
- 十 念尊受經師不敢中怠平等一心廣度魁

獲上仙白日登天拜見太上永成真入雲車羽駕和與道合真

復爐

香官使者左右龍虎君侍香諸靈官當今臣朝元之所自然生金液丹碧芝英百靈衆具交會在此洞案爐前今臣體耀金輝斬伐胞根七玄拔擢百關備仙解除死籍宴坐泥丸東華紀宇策景虛玄十方仙童玉女樓侍香煙傳臣向來所啓之言速達徑御太上无極大道無形無名虛无自然金闕玉陛下

出戶

太上黃籙齋儀卷之三十七

王三

七